


NZIA YI LAISI YA NGAI YA UTANGIHO YOANA



Niki Yesu wakwie?

1. Mwikalile wa mundu ni wa kwika uthuku(nai)

Ti vinya kwitu kwitikila kana ithyonthe nitweekie maundu ala twisi nimathuku, na ingi notumekaa. Isu niyo yitawa nai, ithyoonthe twina nai kuma ila twasyaiwe.

Yoana 3:19 “Na uu niw’o usililo, nundu kyeni ni kyuku kikalika kuu nthi, na andu nimendie kivindu kute kyeni; nundu mawia moo mai mathuku.

Alomi 14:12 “Kwa ouu indi kwa ula umwe waitu akaumya uvoo wake mbee wa Ngai”



Ithyoonthe twi ene nai!

2. Kwa mwikalile usu twi asilile.

Yoana 6:40 “Nundu kuu nikwo kwenda kwa asa wakwa, kana kila mundu umusiasya mwana, na umwitikilaa, ethiwe na thayu utathela; nakwa ngamuthayuukya muthenya wa muminukilyo.”

Yoana 3:18 “Ula umwitikilaa ti musilile:indi ula uteumwitikila ni musilile ona yu, nundu ndanetikila syitwa ya mwana wa Ngai ula wasyaiwe e weka.”

Yoana 3:36b “...indi ula utamwitikilaa mwana ndakona thayu, indi uthatu wa Ngai wikalaa iulu wake.

Uvuanyo 20:12-15

12 Na noona akwu anene na anini maungeme mbee wa kivila kyu kyeu: na mavuku mavuanwa na ivuku yingi yavuanwa, nayo ni ivuku ya thayu: na ala akwu masililwa na maundu ala maandikitwe mavukuni asu kwianana na meko moo.

13 Na ukanga waumya akwu ala mai nthini waw’o; na kikw’u na vandu vala maveva ma ala akw’u mekalaa syaumwa akw’u ala mai nthini wasyo na masililye kila mundu kianana na meko make.

14 Na akw’u na vala maveva ma ala akw’u mekalaa syekwa iiiani ya mwaki.

15 Na ethiwa mundu ona wiva alea kwoneka aandikitwe ivukuni ya thayu, niwekiw’e iiiani ya mwaki.



Ve thooa wa nai!

3. Yesu ai kuu nthi na niwakwie kwoondu witu.

Yoana 14:6 “Yesu amwia, Nyie ninyie nzia, na ninyie w’o, na ninyie thayu: vai mundu ukaa kwa Asa, atesile kwakwa.

Yoana 3:17 Nundu Ngai ndaamutuma Mwana wake kuu nthi asilile nthi;indi ni kana nthi itangiiwe niwe.

Yoana 1:10, 12 “Ai kuu nthi, na I nthi yatwikithiw’e niwe,na nthi ndyamwisi. Indi onthe ala mamwosie, amanenga ukumu wa utwika syana sya Ngai, o ala metikilaa syitwa yake:

4. Utangiio ni muthinzio wa mana, ti kwa meko maseo. Waile kuikiia ndeto ya Ngai kwoondu wa w’o na kuikiia Yesu eweka!

Utangiio ni kumukiiia na kumwosa Yesu Klisto ta mutangii waku. Nikwitikila uw’o kana Yesu Klisto niwakwie ngelany’oni ya Kaivali ni kana akuiwie thii wa nai syaku. Nikumanya kana we vyu vai kindu utonya kwika kwoondu wa kwitangiia mwene na indi uikita umuikiia Yesu Klisto autangiie!! Ti ikanisa ona yiva yitangiia,Ti

uvatiso, Ti meko maseo, Ti sakalamendi, Tikualyuka, Ti kwa kutindia kuvoya saa syonthe, Ti kwa kwikala thayu museo – **TI UNDU ONA WIVA UTONYA KWIKA!!**

Aeveso 2:8-9 Nundu nimutangiitwe na mumo kwondu wa muikiio; nawo ndumite kwa inywi ene, ni muthinzio wa Ngai. Ti undu wa meko, kana kuikethiwe mundu ona wiva kwikathiia.

Tito 3:5 Ti kwondu wa meko ma ulungalu . ala ithyi tweekie, indi kwianana na tei wake niwatutangiie, kwondu wa kuthambw'a kwa kusyawa ingi na kutwikithw'a eu ni Veva Mutheu,

Meko ma Atumwa 4:12 Ona kuti utangiio kwa ungi ona wiva w'onthe: nundu kuti syitwa yingi itheo wa itu, yinengetwe andu, yitwaile ithyi kutangiwa nayo.

5. No muvaka umwitikile Mwiaii na ukeethiwa na thayu utathela!


Yoana 5:24 Niw'o, niw'o, ningumwia, ula wiw'aa ndeto yakwa, na umwitikilaa ula wandumie, ena thayu utathela, ndakalika usililoni; indi nuvitite kuma kikw'uni na kulika thayuni

Yoana 6:47 "Niw'o, niw'o, ningumwia, ula witikilaa ena thayu utathela.

Yoana 10:28 Nakwa ningumanenga thayu utathela; na maikaa ona indii, na kui mundu ukambena kwokoni kwakwa.



Ethiwa nukwenda kumwitikila YesuKlisto ta Mutangii waku na kwosa uekeo wa nai kuma kwa Ngai, voya mboya ino. Kuvoya mboya ino kana mboya ingi ona yiva ndiutangiia. Indi no kwa kumuikiia Yesu Klisto kula kutonya ukunenga uekeo wa nai. Mboya ino ni ya kwony'a Ngai muikiio waku na kumutungia muvea kwoondu wa ukunenga uekeo wa nai.



“Mwiaii,

Ninisi kana ni mwene nai. Ninisi kana ninailwe ni usililo wa nai syakwa. Ona kau ningumuikiia Yesu Klisto ta mutangii wakwa. Ninguikiia kana kikw’u kyake na kuthayuukwa kwake nikwanengie uekeo wa nai. Ningumwitikila Yesu na Yesu e weka ta Mwiaii na Mutangii wakwa. Ni muvea Mwiaii, nundu wa kundangiia na kundekea nai syakwa! Amen!”

Ethiwa niwavoya mboya isu – kuatiania na ndeto ya Ngai – NIWATANGIWA!! ALELUYA!!

Nutonya kwasya, mbona ndikwiwa kivathukany’o. Wiona ata? Utangiio waku nduutengemea miwile yaku. Indi WONTHE witengemea kwika undu Ngai UKWASYA.

Ngai aisye ethiwa nuumwosa na kumuikiia Yesu Klisto niwatangiwa. Sisyaa vaa vai kwasya “nutonya” kana “nivatonyeka” ukatangiwa – indi veasya “ukatangiwa” WI MUTANGIIE!!

O ula ukekaila syitwa ya Mwiaii akatangiwa. Alomi 10:13

Nuumuikiia Mwaii Yesu Klisto? Sisyaa undu Yoana 3:36 vekwasya, veasya WINA THAYU WA TENE NA TENE!! Ti “Nivatonyeka” kana “Niikwatya ou” – INDI ENA – WIMUTANGIIE!!

Ula umwitikilaa u Mwana ENA THAYU UTATHELA: Indi ula utamwitikilaa u Mwana ndakona thayu; indi uthatu wa Ngai wikalaa iulu wake. Yoana 3:36

Munyanyawa ethiwa niwavoya mboya isu na wamwosa Yesu Klisto – WIMUTANGIIE!! Na niweeka undu Ngai waitye – NA NGAI NDATONYA KUNEENA UVUNGU.

Nthini wa wikwatyo wa thayu utathela, ula Ngai wathie mbee wa mavinda ma tene tene, nake ndatonya kuneena uvungu. Tito 1:2